

2 Corinth got'ù gıts'ò aat'è

1 Sı Paul, Nòhtsı wedahxà Zezi-Krı wecheekeèdeè aht'e. Gòet'ı Timothy wexè kòta Corinth Nòhtsı wecheekeè nàgedèe sù gıts'ò eeht'è, eyıts'ò Achaıa nèk'e Nòhtsı wets'ò dọ hazòọ nàgedèe sù gıts'ò ts'eet'è.

2 Nòhtsı-Gotà eyıts'ò Zezi-Krı gısqnıwọ naxıxè welè eyıts'ò naxıxè sìghà hòzọọ agıle.

Nòhtsı ededzeè t'à etegoèhzi

3 Nòhtsı weghàsòts'eedı welè. Ededı sù Zezi-Krı Wetà hòt'e, eyıts'ò ededı ededzeè t'à etegoèhzi elı. T'ası hazòọ t'à goxè sìghà hòzọ gha Nòhtsı elı hòt'e.

4 Goxè hoıla lọ sqnı kò goxè sìghà hòzọọ agohzi. Gots'ò hanı eda hòt'e t'à dọ gıgha hoıla sù gıxè sìghà hòzọọ agets'ehzi.

5 Zezi-Krı gogha daızà t'à goxı wexè dats'ııza, eyı lanı Zezi-Krı wets'ıhzi dezọọ goxè sìghà hòzọ hòt'e.

6 Goxè hoıla nıdè naxıxè sìghà hòzọ gha eyıts'ò edaxàahdè gha ats'et'ı. Goxè sìghà hòzọ nıdè naxı sı naxıgha hòt'e, eyı t'à goxèht'eè ts'èwhıı daahza nıdè, wet'à naxını nàtso ha.

7 Naxıxè sìghà hòzọ agode ha sù hotıı gogha ehkw'ı-ahodı hòt'e. Goxè daahza wek'èts'eezọ, eyıt' à goxè naxıgha sìghà hòzọ ha hotıı wek'èts'eezọ hòt'e.

8 Sèot'ıı, Asıa nèk'e dànı dats'ıızaa sù wek'èahsq ha naxıts'ııhwhọ. Goinı nàtso nahk'e sù goxè hoıla ıle, eyıt' à edaxàts'eedè gha ahxe whıle ts'ııwọ ıle.

9 Hòt'a ełààts'ede ha hotù hats'ıwọ ı̀lè. Goxı edets'àts'edi ts'ıwọ ha-le t'à goxè hagòjà, hanìkò Nòhtsı dọ naidà ayehıı sını ededı wets'ò hoèlı ts'ıwọ ha t'à goxè hagòjà họt'e.

10 Hoıla t'à ełààts'ede ch'à edaxàgoıla họt'e, eyıts'ọ ełààts'ede ch'à gok'èdì ha. Ededı gots'àdı ha wets'ò hoèlı ts'ıwọ, eyıts'ọ t'aats'ọè edaxàgohtè ha gogha ehkw'ı-ahodi họt'e.

11 Naxı xàyaahtı t'à gots'àahdı ha họt'e. Hanı-ıdè dọ lọ goghọ Nòhtsı ts'ò ması gıwọ ha, gots'ò wedzeè sọnwọ t'à.

Paul dàde ha ı̀lè sını ı̀adı ayı̀lè

12 Godzeè t'à nàowo degai k'èè eyıts'ọ ehkw'ı k'èè eghàlats'ıdà wek'èts'eezọ họt'e. Nòhtsı wek'èè dı nèk'e dọ gıta eyıts'ọ naxıta hanı denahk'e eghàlats'ıdà họt'e. Dı nèk'e gots'ọ wet'à gots'ızọ nàowo k'èè ats'ıt'ı nıile, Nòhtsı wesọnwọ k'èè ats'ıt'ı họt'e. Eyı weghọ xàdahots'edi ha dıı-le.

13-14 Eyıt'à t'ası wek'eyaahtı xè wenıahdı ha dıı sını ghọ naxıts'ò ts'eetf'è nıile. Hanìkò t'ası hazọè wenıahdı-le nıdè nọde-ıdè degHàà wenıahdı aahde ha dehwhọ, hanı-ıdè goghọ xàdahoahdı ha, eyıts'ọ gots'ò K'àowo Zezı nııtłaa dzeè k'e nıdè goxı naxıghọ xàdahots'edi ha.

15 Eyı hotù wek'èehsọ t'à naxı t'akwełòè naxıts'àhtł ha dehwhọ, hanı-ıdè nàekeè-eh't'aa naxıxè sıghà agode ha.

16 Macedonia nèk'e ts'ò dehtł nıdè naxıts'àhtł ha dehwhọ ı̀lè eyıts'ọ Macedonia nèk'e gots'ọ ek'èt'à naehtł nıdè k'achı naxıts'àhtł ha dehwhọ ı̀lè. Hanı-ıdè naxı Judea nèk'e ts'ò aseahle ha ı̀lè.

17 Hotù nànwíwo-le et'ì hani edexè sùgòhà dahwhò nì? Dò nàngedè-le k'èè edexè sùgòhà t'à ehghàà “Hèzè” eyits'ò “Ìle” dehsì seahwhò nì?

18 Hanikò Nòhtsì edeyatù k'èdi k'èè godì nezù naxìghàts'ùzòò sù ehkw'ì họt'e, eyì ghò ìhk'è “Hèzè” eyits'ò ìhk'è “Ìle” ts'edi nùle.

19 Silas, Timothy eyits'ò sù Nòhtsì Weza Zezì-Krì weghò naxìts'ò gots'ùdee sù weghò “Hèzè” ts'edi, eyits'ò k'achì “Ìle” ts'edi nùle, hanikò Zezì wexè t'aats'òò “Hèzè” họt'e.

20 Nòhtsì edeyatù hazòò gogha whehtsù sù Zezì-Krì wets'ìhòò hazòò “Hèzè” zò họt'e. Wets'ìhòò “Amen” ts'edi họt'e, wet'à Nòhtsì weghàsòts'eedi họt'e.

21 Nòhtsì sù Zezì-Krì wet'à goinì eyits'ò naxinì nàtsoò ayehzì họt'e. Edegha gòìhchì họt'e,

22 eyits'ò wets'ò ats'ùt'e wek'èhoedzòò ayìlì. Eyit'à edets'ò Ìnì Degai godzèè yì nàdè ayìlì, wet'à gogha sòmba nìzòò lanì, eyì weghàà ìdaà ayì go-dawhelaa sù hotù goghòt'à ha wek'èhoedzòò ayìlì.

23 Naxìgha hoìla ahle ha-le t'à ek'èt'à kòta Corinth ts'ò anahjà nùle Nòhtsì hotù yek'èezò họt'e.

24 Dànì naxìgha ehkw'ì-ahodu sù weghò naxìts'ò k'ahots'edè dehsù-aehtsì-le, hanikò naxinà gha naxìxè eghàlats'eeda họt'e, naxìgha ehkw'ì-ahodu sù wet'à naxinì nàtso họt'e.

2

1 Naxìgha hoezhì ahle ha dehwhò-le t'à dù k'achì naxìts'àhtlà ha-le.

² Naxıdzeè nànuṭi anaxèhlà nı̀dè amı̀ sına asele ha? Naxı zq sına aseahzı̀ ha ı̀lè, hanıkò naxıdzeè nànuṭi anaxèhlà.

³ Eyıt'à hanı̀ naxıts'ò ı̀tł'è ı̀lè. Hanı̀-ı̀dè naxıts'àwhıhtla nı̀dè naxı sına aseahle ha ı̀lèe sı̀ ts'qòdehwhqò aseahle ha-le ı̀lè. Hazqò sexè naxınà ha dahwhq ne hotı̀ wek'èehsq.

⁴ Sı̀ ts'qòdehwhq xè sedzeè etse eyıts'q senatı̀ lq xàı̀tł'ı̀ t'à hanı̀ naxıts'ò ı̀tł'è hq̄t'e. Naxıdzeè nànuṭi anaxehle ha dehwhq-le, hanıkò sı̀ naxıghqneehtq hq̄t'e wek'èahsq ha dehwhq.

Hoıı-hohtsı-dqò weghq nahoezhe

⁵ Amı̀ wets'ıh?ò godzeè nànuṭi sı̀ sı̀ zq ası̀ı̀là nuı̀le, naxı denahk'e naxıdzeè nànuṭi anaxı̀là hq̄t'e. Hanıkò weghq de?òò aehsı ha dehwhq-le.

⁶ Naxıta dq de?òatıq gı̀sıniyaıhtı t'à hòt'a yek'èxa daı?à hq̄t'e.

⁷ Dı̀ hòt'a weghq nahoahle, eyıts'q wets'ò nezı̀ aahdı, hanı̀-ı̀dè sı̀ edek'eelı t'à wegħa dı̀ agode ha-le.

⁸ Eyıt'à dani weghqniahtqò sı̀ hotı̀ yek'èezqò aweahle ha dehwhq.

⁹ Naxeehdzà ha dehwhq t'à hanı̀ naxıts'ò ı̀htł'è. Dani t'ası̀ hazqò weghàlaahda ha naxèehsı̀ sı̀ ası̀ hazqò wek'èaht'e li dehwhq t'à ahlà.

¹⁰ Dq ghq nahoahle nı̀dè sı̀ sı̀ weghq nahoehle ha hq̄t'e. Ayı̀ weghq nahoehlaa sı̀ (t'ası̀ weghq nahoezhè ha gòhı nı̀dè) Zezi-Krı wenadaq̄ weghq nahoehla hq̄t'e, naxıgha nezı ha t'à.

¹¹ Hanı̀-ı̀dè wehı̀ goghqehne ha-le. T'aats'qò goghqayezà k'ehoza wek'èts'èezq hq̄t'e.

Nakenahòdı wegòò k'èè eghàlats'eeda

12 Idì whaà-le Zezì-Krì wegoduì nezù t'à dọ ts'ò gohde ha kòta Troas nàwhìtla ìlè. Gots'ò K'àowo ekọ dọ ts'ò gohde ha sega hòzọọ ayìlà.

13 Hanìkò sèot'ì Titus ekọ wegòhzo-le t'à sùì weghọ nanìwhọ ìlè, eyit'à ekọ dọ masì gèehsì t'axọọ Macedonia nèk'e ts'òet'ì ahjà.

14 Hanìkò Nòhtsì sùì masì wets'ùhwhọ họt'e, ededì t'aats'òọ Zezì-Krì wexè k'egohzì. Zezì-Krì edegha dọ dèhnọọ ats'ùt'e t'à, dọ hazọọ gınadaà eniyyah xè wek'èts'adè họt'e. Hazọọ nèk'e k'ets'edèe sùì goxì got'à dọ Zezì-Krì k'ègeezọọ agohzì, t'asùì lèkọọ lèdì lats'ùt'e è agòòlà họt'e.

15 Nòhtsì sùì dọ edaxàgeedèe eyits'ọ dọ gidìhoèe sùì gìgha Zezì-Krì wets'ọ t'asùì lèkọọ lèdì lats'ùt'e è agòòlà.

16 Dọ edaxàgeedèe sùì gít'à eda gha t'asùì lèkọọ lèdì lats'ùt'e, hanìkò dọ gidìhoèe sùì gít'à ẹlààde gha t'asùì wejù lèdì lats'ùt'e. Amì la hadeèzhì yeghàlaeda ha yexèht'eè?

17 Dọ ọ gixèht'eè eghàlats'eeda nùile, Nòhtsì yatù t'à dọ ts'ò gots'ede k'èxa gots'àzèedì t'à sọmba ts'ehtsì nùile. Hanì nùile, Nòhtsì dọ ts'ò gohza ats'ùt'e t'à, Zezì-Krì wedahxà Nòhtsì wenadaà ehkw'ì dọ gits'ò gots'ede họt'e.

3

1 Eyit'à edeghọ xàdahots'edì ats'edì dahwhọ nì? Dọ mọhdaa hoghànaxegeehtọ ha gıwọ nùdè, dọ dàhòt'ù agùt'e ghọ enìht'è edexè k'egèhchì ha dahwhọ. Goxì sì hanù nìht'è naxits'ò k'ets'ehchì ha dahwhọ nì? Hanì-le-ìdè hanù enìht'è goghàahzà ha dahwhọ nì?

2 Naxı gonıhtı'è laaht'e, godzeè k'e dek'enaxèehtı'è, dọ hazqò gık'èezq xè gık'eyahtı hq̄t'e.

3 Naxı sù Zezi-Krı wets'q enıhtı'è nezı laaht'e, naxıta eghàlats'eeda t'à. Edoti t'à naxık'e aatı'è nıle, Nòhtsı edaa sù wets'q İni Degaı t'à naxık'e aatı'è hq̄t'e. Eyıts'q kwe k'e weyatı dek'eèhtı'è nıle, naxıdzeè yı dek'eèhtı'è hq̄t'e.

4 Eyı weghq sù Zezi-Krı wets'ıhıqò Nòhtsı we-nadaq̄ hotı ehkw'ı-ahodı ts'ıwq̄ hq̄t'e.

5 Goxı godahxà hats'edi nıle. Goxı whatsqò t'ası ts'ııı nıle, hanıkò Nòhtsı hanı eghàlats'eeda ha goghàhòıq̄ hq̄t'e.

6 Nakenahòdlı wegò k'èè nezı eghàlats'eeda gha wecheekeè ts'ııı agòlâ. Eyı nàowo gòò sù nàowo zq̄ xèht'eè nıle, hanıkò Yedayeh Nezı wenàowo hq̄t'e. Nàowo zq̄ dek'eèhtı'è sù ɛ̀aàts'edeè agohı, hanıkò Yedayeh Nezı wet'à ts'eeda hq̄t'e.

Nakenahòdlı wegò sù enıyah hq̄t'e

7-8 Nàowo kwe k'e dek'eèhtı'è sù wet'à ɛ̀aàts'ede kò, enıyah nechàa k'èè gots'q nıit'q hq̄t'e. Moses wıni k'e saıdı sù while adaade kò Israel got'ı whaà ts'q gıghàeda ha dıı lè. Nàowo kwe k'e dek'eèhtı'è sù weghq enıyah lè, hanıkò Yedayeh Nezı t'à ayı goghòt'q sù eyı denahk'e weghq enıyah nechàa hq̄t'e.

9 Nàowo wet'à dọ ɛ̀aàgede gha gısıniyaetı sù enıyah hq̄t'e nıdè, nàowo nezı wet'à ehkw'ı agòıdlâ sù dàıhcho ts'q wenahk'e enıyah dèè ɛ̀ı!

10 Ayì eniyyah elj òlèe sù dui gogha eniyyah-le ajà, dui hòt'a ayì denahk'e eniyyah sù wek'èts'eezòò ats'ejà t'à.

11 Ayì while adaadee sù eniyyah t'à nàhòwo nùdè, ayì welò while ts'ò whezò ha sù wenahk'e eniyyah deè elj hòt'e!

12 Hanì gogha ehkw'1-ahodì t'à sù weghò gomì nàtso hòt'e.

13 Moses xèts'ùht'e nùle. Wini k'e sajdù sù while adaade kò, edinì k'e zehť'1 whehchì ayìlà, Israel got'ù wini k'esajdù ghàgeeda ha-le t'à.

14 Hanìkò giniedì ha gikwì dezhì adlà. Dui dzeè ts'ò nakenahòdlù wezòò gik'eyahtì nùdè giniedì ha dii, eyì zehť'1 òlèe gìgha eniht'è k'e whehchì lanì. Eyì zehť'1 sù gìgha òòò adlà nùle, Zezì-Krì wedahxà nùdè zò eyì zehť'1 gìgha òòò adle ha hòt'e.

15 Dui dzeè ts'ò Moses wenihť'è k'eyagehtì nùdè giniedì-le, òlèe gidzeè k'e zehť'1 whehchì lanì hòt'e.

16 Hanìkò dò gots'ò K'àowo gìgha ehkw'1-ahodì agejà nùdè, eyì zehť'1 sù gìgha òòò adle ha hòt'e.

17 Gots'ò K'àowo Inì Degai hòt'e, eyìts'ò edjì gots'ò K'àowo wets'ò Inì Degai wehòhòzòò sù dò k'ahogedè agìdlà hòt'e.

18 Goxì sù gomì k'e zehť'1 whehchì nùle, gots'ò K'àowo dànì eniyyah elj sù gok'e sajdù hòt'e. Gots'ò K'àowo, Inì Degai elj sù godzeè yì eladì agohzì, eyìt'à denahk'e wexèht'eè ats'et'ì agohzì.

4

Godzeè yì t'asì eniyyah k'èts'edi

1 Nòhtsì wesònwò dahxà dui la goghòt'ò hòt'e, eyìt'à gogha gots'eèdì ha nùle.

² Hanikò dezi sù k'ehots'eza eyits'o t'asù wegho ìz̄zhats'ùù sù wede ha ts'ùwò. Dò ghoyats'eeza t'à eghàlats'eeda nùle, eyits'o Nòhtsì weyatì ìadi ats'ehzi nùle. Hanikò dò ededzeè t'à gogeèhkw'o ha ts'ùwò t'à Nòhtsì wenadaà nàowo ehkw'ù ghò hotù ehkw'ì gots'ede họt'e.

³ Gots'o godi nezù sù dò mòhdaa deghàà gɪmèdì-le t'à gɪgha zeh̄t'ì zù whezò lanì, dò gidiholè ha ts'ò giadèè sù gɪgha hanì họt'e.

⁴ Wehù dù nèè gha k'àowo elù sù dò gɪgha ehkw'ì-ahodi-le sù gɪnì t'à gɪgha xègaat'ì-le agòòlà. Eyit'à Zezi-Krì wegodi nezù ts'ihzò dò xè dzeh hòzò sù gɪgha wègaat'ì ha diì, eyits'o Zezi-Krì eniyah wehòzò xè hotù Nòhtsì xèht'eè wègaat'ù sù, gɪmèdì ha diì họt'e.

⁵ Goxì edeghò gots'edeè-ats'edì-le, Zezi-Krì, t'asù hazòò ts'ò k'àowo elù sù weghò gots'edeè-ats'edì. Zezi wets'ihzò naxìgha eghàlats'eeda họt'e.

⁶ Nòhtsì hadì, “Togoòt'òo yì gots'o dzeh xàidi awede,” hadù sù godzeè yì dzeh nùdù ayìlà, eyì ts'ihzò Zezi-Krì weghàts'eeda nùdè Nòhtsì dànì eniyah elù sù wek'èts'eezò ats'et'ì.

⁷ Gozhì kwetò lanì sù weyì t'asù eniyah k'èts'edì họt'e. Eyì t'asù eniyah xè nàtsoo sù Nòhtsì wets'o họt'e wek'èhoedzò, goxì gots'o nùle.

⁸ Goxì sù hazòò gomòò goòza ts'ò dò gogha hoilà hogehtsì, hanikò anats'et'è nùle; gogha hoezhì agot'ì kò gogha ahxe while ts'ùwò-le,

⁹ dò dagogìhza hanikò Nòhtsì zògoehdè while, dèè k'e ts'ò gogeèhde hanikò godihogèhtsì while.

¹⁰ Zezi dànì gogha dàza xè ełajwoo sù t'aats'òò gozhì yì edexè k'ets'eza họt'e, eyì ts'ihzò Zezi

gozhì yì edaa sù wek'èedzòò ade ha.

¹¹ Goxì ɬàà ts'eeda et'ù t'aats'òò Zezì wets'ihzò ɛ̀laàts'ede ha gogha hòzò họt'e, hanì-ɬdè gozhì ɛ̀laàwì ha sù weyì Zezì edaa sù wek'èedzòò ade ha họt'e.

¹² Eyit'à goxì t'aats'òò ɛ̀laàts'ede lanì, hanìkò eyì ts'ihzò naxì sù aahda gha adlà họt'e.

¹³ Dì hanì dek'eèht'è, “Segha ehkw'ì-ahodì t'à weghò gohde họt'e,” dek'eèht'è. Goxì sù eyì xèht'èè gogha ehkw'ì-ahodì t'à weghò gots'ede họt'e.

¹⁴ Nòhtsì sù Zezì-Krì naidà ayìlà họt'e, goxì sù Zezì xè nats'ìdà agole ha họt'e, eyits'ò naxìxè we-nadaà nàts'eèhzaà agole ha wek'èts'eezò.

¹⁵ Eyì hazòò sù wet'àhoahwhì gha agòjà họt'e. Hanì-ɬdè Nòhtsì wesonwòò sù dezòò dò lò ts'ò ade ha, dezòò dò lò Nòhtsì masì gɬwò ha, eyits'ò eniyah xè dezòò dò lò Nòhtsì ghàsògeedi agede ha.

¹⁶ Eyit'à gogha gots'eèdì nùle. Gozhì nàtso-le adaade kò dzè taat'èè goinì t'à denahk'e nàts'etsoò agodaade họt'e.

¹⁷ Whaà-lea gots'ò yaazea goxè hoilà họt'e, hanìkò wet'à welò while ts'ò goxè sù eniyah hòzò gha agot'ì họt'e, eyì sù hazòò t'à denahk'e wet'àazà họt'e.

¹⁸ Eyit'à ayì wègaat'ù sù gha goinì nàtso ats'ùhwhò-le, hanìkò ayì wègaat'ì-le sù gha goinì nàtso ats'ùhwhò họt'e. T'asì wègaat'ù sù whaà-le gots'ò zò gha họt'e, ekò t'asì wègaat'ì-le sù welò while ts'ò gha họt'e.

5

Yak'e gokò gòzò họt'e

1 Dii nèk'e ts'eedaa sù whaà-lea gots'ò n̄hbaa yì nàts'edè lanì họt'e. Eyì n̄hbaa wedihołè n̄dè yak'e welo while ts'ò gogha kò gòzọ họt'e. Eyì sù dọlà t'à hòèlì n̄ile, Nòhtsì godawhezọọ ayìlà wek'èts'eezọ họt'e.

2 Hanìkò ɓlāà dii nèk'e ts'eeda et'ìì godzeè etse, yak'e gokò yì nàts'edè ha ts'ɓwọ t'à.

3 Gokò yì nàts'edè n̄dè goht'ọ yì ts'eèhk'w'e lanì ha, hanì-ìdè ɓht'edẹ gògaat'ì ha-le.

4 ɓlāà dii nèk'e n̄hbaa yì ts'eeda et'ìì godzeè etse xè dats'ɓza họt'e. Etets'eèt'ì ha ts'ɓwọ-le, hanìkò yak'e gokò yì nàts'edè ha ts'ɓwọ. Gozhìì ełāawì sù gozhìì welo while ts'ò eda ts'ò ɓatats'eedè ha ts'ɓwọ.

5 Nòhtsì sù goxè hanì hòzọ gha gòhtsì ɓlè, eyit'à Yedàyeh Nezzù gots'ò ayìlà, eyì wet'à gogha nadaà sọmba n̄zọ lanì, eyì weghàà ɓdaà ayì gogha whelaa sù hotì goghòt'à gha ayìlà.

6 Eyit'à gozhìì t'à ɓlāà ts'eeda et'ìì gots'ò K'àowo wets'ò n̄wà ts'eèhk'w'e hotì godzeè t'à wek'èts'eezọ họt'e.

7 Ayì gogha ehkw'ì-ahodì sù k'èè ts'eeda họt'e, ayì gogha wègaat'ì sù k'èè ts'eeda n̄ile.

8 Eyì sù hotì godzeè t'à gogha ehkw'ì-ahodì họt'e. Gozhìì wets'ọ nàts'edè gā gots'ò K'àowo wexè ats'ɓt'ee sù, eyì denahk'e gogha nezì họt'e.

9 Eyit'à gozhìì yì ts'eedaa, gozhìì yì ts'eeda-le, ehk'èè gots'ò K'àowo wìnà hots'ehtsì ha ts'ɓwọ họt'e.

10 Ehkw'ì anaxèehsì, goxì hazọọ Zezì-Krì we-nadaà n̄ts'edè gā gosìnyaehtì ha họt'e. Dọ hazọọ ɓlāà edezhìì yì geeda et'ìì ayì hogehtsì k'èxa gìghàhòt'à ha. Ehkw'ì gùdà, hanì-le-ìdè ehkw'ì

gùdà-le k'èxa goghàhò?à ha.

Nòhtsì wexè ts'èwhùì ts'eeda

11 Eyit'à dànì gots'ò K'àowo wek'èats'ùt'e ha wek'èts'eezò t'à, dọ ɔdì agede ha gighòdats'eehnè ha hots'eèhdzà. Dànì ts'eedaa sù Nòhtsì wegħa hotù nezù wègaat'ì họt'e, eyits'ò naxì sì naxìnì għa hotù nezù wègaat'ì nùdè dehwhò.

12 Haehsì t'à naxìts'ò edeghò xàdahots'edi ats'edi nùile, hanìkò naxì goghò xàhoahdì għa gots'ede. Hanì-ìdè, dọ dànì gìgaat'ì ghò xàhogedì hanìkò gıdzèè yì dàgòht'e ts'ònegù?à-le sù gıts'ò goahde ha dùi-le agode ha.

13 Ezhìne k'èè k'ehots'eza nùdè Nòhtsì wegħa hadets'ùlà họt'e; gots'ùzò k'èè k'ehots'eza nùdè naxìgha ats'et'ì họt'e.

14 Zezì-Krì goghòneètò t'à hanì wegħa eghàlats'eeda ha ts'ùwò. Dọ ɔlè dọ hazòò għa ɔlɔwo, eyit'à dọ hazòò ɔlɔdè họt'e, eyi gogħa ehkw'ì-ahodì t'à ats'et'ì.

15 Ededì sù dọ hazòò għa ɔlɔwo t'à, dọ geedaa sù edegħa geeda ha nùile hanìkò amì gogħa ɔlɔwo eyits'ò gogħa naidàa sù wegħa geeda ha họt'e.

16 Eyit'à jò gots'ò ıdaà dù nèè gots'ò dọ gınàowoò k'èè dọ wùzì gısınıyats'ehı ha nùile. İnèè sù Zezì-Krì hanì wesınıyats'ùhtì ɔlè, hanìkò dùi sù hats'et'ì-le ats'ejà.

17 Eyit'à dọ Zezì-Krì xè edaa sù dọgòò ihè họt'e. Wenàowoò zọ sù wedè adlà, wenàowogòò wet'axòò ajà.

18 Eyì hazòò sù Nòhtsì ayeh?ì họt'e. Ededì sù Zezì-Krì wet'òò wexè ts'èwhùì ts'eedaà agòòlà,

eyits'ò godi nezı dọ ts'ò hats'edi gha, la goghàıřọ họt'e.

¹⁹ Nòhtsı sı Zezi-Krı wet'òò dı nèk'e dọ edexè ts'èwhı geedaà agòòlà, eyıt'à gıhoı k'èxa gosınıyaehtı nıile. Nòhtsı dànı dọ edexè ts'èwhı geedaà agohı sı weghọ dọ ts'ò hats'edi ha goghàhòıřọ họt'e.

²⁰ Eyıt'à goxı sı Zezi-Krı wegħa dọ ts'ò gots'edee ats'ıt'e. Goxı got'à Nòhtsı naxıts'ò gode lanı họt'e. Zezi-Krı wedahxà naxıghonàdats'eeti: Nòhtsı wexè ts'èwhı aahda, naxèts'edi.

²¹ Zezi wehoı whıle sı Nòhtsı gogħa hoı wek'e whelaà ayıılà, hanı-ıdè Zezi wet'òò Nòhtsı ehkw'ı ts'eedaà agole ha.

6

¹ Goxı Nòhtsı għa elexè eghàlats'eedaa ts'ııı sı Nòhtsı wesonıwọ k'èt'ò naxıts'ò awede-le, naxèts'edi naxıghonàdats'eeti.

² Nòhtsı ededı dı hadı,

“Naxıts'ò sını nezı ekò k'e naxeèkw'ò ıle, eyıts'ò dọ edaxàgeħlee dzeğ k'e naxıts'àehdı ıle,” hadı.

Ehkw'ı anaxèehsı, dı sı Nòhtsı naxıts'ò wını nezı họt'e, dı edaxàgelee dzeğ họt'e.

Paul wexè hoıla k'ehokw'o

³ T'ası wıızı t'à dọni tsıts'ehwhı ha ts'ıwọ-le, hanı-ıdè godi nezı għa eghàlats'eedaa sı wets'ıhıřọ t'ası nezı-le t'à dọ gok'e nıdahogeezà ha-le.

⁴ Hanıkò t'ası hazọ għàlats'eeda wegħàà Nòhtsı xàè wecheekeè ats'ıt'ee sı dọ gık'èezọ ha: dànı ts'èwhı dats'ııza t'à, dànı goxè hoıla ıřọ t'à, dànı gogħa dı agot'ı t'à, dànı goxè hoeı k'ehokw'o t'à;

⁵ gokwòqyaà-gogehzì t'à, dọ-danìl̄aa-kò nègogùle t'à, gots'ihzò dọ xè nàdahoowo hogehtsì t'à; la nàtso ghàlats'eeda t'à, l̄o-eh't'aà to ts'ete-le eyits'ọ dets'eèhdi t'à;

⁶ dànì degaì k'èè ts'eedaa, Nòhtsì yatì nits'eedi, dọ xè ts'èwhì hots'èhzòq xè etegets'eèzì; dànì Yedàyeh Nezì k'èè ts'eedaa eyits'ọ dànì hotì dọ ghònets'eètòq;

⁷ dọ ts'ò ehkw'ì gots'edee t'à, eyits'ọ dànì Nòhtsì wedahxà eghàlats'ìdàa t'à; nàowo ehkw'ì wet'à elets'egò lanì nàgòts'ehnèe eyits'ọ gots'ìhts'ọ wet'à-ats'et'ì;

⁸ dọ goghò nezì agedu hanì-le-ìdè gok'adageedè, goghò nezì agedu hanì-le-ìdè goghò nezì agedu-le; godzè t'à ehkw'ì gots'ede hanìkò dọ mòhdaa eghoyaezàa-dòò ats'ìt'e gògedì;

⁹ dọ gok'ègeezò kò gok'ègeezò-le lanì gots'ò nageza; efaàts'ede ha welì lanì hanìkò l̄aà ts'eeda họt'e; nàgoakwa hanìkò efaàts'ìdè-le,

¹⁰ dats'ìzà hanìkò t'aats'òò sìts'eèt'ì; etets'eèt'ì hanìkò dọ l̄o ahxèè lagets'ìl̄à; t'asì wìzì gots'ọ-le hanìkò t'asì hazòò gots'ọ họt'e. Eyì hazòò weghàà xàè Nòhtsì wecheekèe ats'ìt'ee sù dọ gik'èezò ha.

¹¹ Naxì Corinth got'ì yàahlì sù edèdats'eedi-le xè naxìts'ò gots'ìde họt'e, eyits'ọ godzè t'à naxìts'ò nezì ats'ìwò họt'e.

¹² Godzè t'à t'aats'òò naxìghònets'eètò họt'e, hanìkò naxì sù goghòniahtò gha edèdaahdi.

¹³ Seza laah't'e lanì du hanaxèehsì ha: Goxì naxìghònets'eètò xèht'eè goghòniahtò ha dehwhò, gots'ò naxìdzeè nechà aahlè.

Dọ gùgha ehkw't-ahodi-le sù gùxè l̄è laah't'e-le

14 Dọ gıgha ehkw'ı-ahodı-le sù gıxè ı̀lè laaht'e-le. Dọ ehkw'ı geedaa eyıts'ọ dọ nàowohù k'èè geedaa sù elèxègùht'e nùile. Dzeh eyıts'ọ togoòt'òo sù elèht'eè nùile.

15 Zezi-Krı eyıts'ọ wehù sù elèk'èè agùwọ nùile. Dọ weggha ehkw'ı-ahodı eyıts'ọ dọ weggha ehkw'ı-ahodı-le sù elègùht'e hùlù nùile.

16 Nòhtsı-kò-gocho eyıts'ọ nòhtsı hòèlù wets'ọ yahtı-kò sù elèk'èè agùwọ nùile. Goxı sù Nòhtsı edaa wekọ lats'ıtt'e họt'e. Nòhtsı dı hadı ı̀lè,

“Gıdzeè yì nàhdè ha eyıts'ọ gıta aht'e ha, Gınòhtsı ehı ha, eyıts'ọ sets'ọ dọ gùlù ha.”

17 *“Eyıt'à gıgha ehkw'ı-ahodı-le sù gıta gots'ọ xàahdè, gıxè aah'ı-le. T'ası hoù ne sù daahchì-le, hanı-ıdè sets'ọ dọ aahù anaxehle ha.”*

18 *“Naxıtà ehı ha, eyıts'ọ naxı seza eyıts'ọ seti aahù ha, Nòhtsı t'ası weggha dı-le sù hadı,” họt'e.*

7

1 Seàgıa, Nòhtsı hanı goxè yatı whehtsı t'à, t'ası hazọò hoù ne sù wedè ats'ıle. Gozhı eyıts'ọ goını t'à hoù hots'ehtsı sù k'alats'ıdè-le. Nòhtsı gots'ọ wek'èch'a sọò ts'ıwọ t'à hotı degaı k'èè ts'ıdà.

Paul sù wınà agòjà

2 Naxıdzeè yì gogha gòzọò aahle. Dọ wızzı k'èch'a hots'èhtsı whıle, dọ wızzı ekọ-le eghalaıdà ats'ılà whıle, eyıts'ọ dọ t'à edegha sìghà k'ehots'ızza whıle.

3 Eyı hanı naxıts'ọ gohdee sù naxısınıyaehtı aehsı-le. Godzeè t'à naxıghonets'eètọ sù naxıts'ọ haehsı ı̀lè, eyıt'à naxıxè ts'eeda eyıts'ọ naxıxè elààts'ede gha ts'eèkw'e họt'e.

4 Sii naxıgho ehkw'ı aahwho hõt'e eyıts'q naxıgho xàhohdı. Naxıts'ıhzo sını nàtsoò ajà. Gogha hoıla ıq kò sii sına hõt'e.

5 Macedonia nèk'e nèts'ııde ekò, goxè ts'èwhıı gòıza-le. T'aats'qò goxè hoıla k'ehokw'o t'à godzeè deııılè.

6 Hanikò dq gıxè hoılaa sii Nòhtsı gidzeè t'à nàtsoò agohzi hõt'e. Titus gots'q nııtla t'à Nòhtsı godzeè nàtsoò ayııılà hõt'e.

7 Edeııı gots' àèhtla zo t'à godzeè nàtsoò ajà nııle, naxı sı wedzeè nàtsoò awèahlà t'à godzeè nàtsoò adlà hõt'e. Naxıdzeè t'à seahzi ha dahwho, dani ts'qòdahwho, eyıts'q dani sii segho naniahdèe sıı ghò goxè goado. Eyıt'à sii denahk'e sına hõt'e.

8 Naxıts'q ııht'èe t'à naxıdzeè etseè ahlà sını kò wek'eehı-le. T'akweıqò wek'eehı ıılè, naxıts'q eeht'è t'à naxıdzeè etseè ahlà t'à, hanikò whaà-lea ts'q zo naxıdzeè etse hõt'e.

9 Eyıt'à dıı sına hõt'e. Naxıdzeè etse t'à sına nııle, hanikò naxıdzeè etse t'à edek'eahı xè naxını ladıı aahlà t'à sına hõt'e. Nòhtsı hani edek'eahı naxıhwho hõt'e, eyıt'à goxı dānaxèts'edı t'à naxını tsıts'ııhwho nııle.

10 Nòhtsı wını k'èè godzeè etse nıde edek'ets'ıııı, eyı wet'à edaxàgotè hõt'e. Hani godzeè etse nıde ıdaà t'ası wıızi k'ets'ıııı ha-le. Hanikò dq gınàowò k'èè godzeè etsee sıı wet'à eıaàts'ede ha hõt'e.

11 Nòhtsı wını k'èè naxıdzeè etse t'à eıadıı aahjàa sıı wedaaniahdè. Dıı wet'à Nòhtsı gha naxını nàtsoò ajà, hoıı nàowò wedè ha dahwho aahjà, dq hoıı hogehtsı nıde naxık'èch'a hõt'e, wet'à dajiahdè laahjà, eyı ts'ıhzo seahzi ha dahwho, wet'à sedaaniahdè aahjà, t'ası hazqò ekò-le sıı

ɔwhàà wesiniyaeti ha dahwhò. Eyɔ hazòò hoɔɔ k'èè k'ehokw'oo sɔ naxɔ naxixè agot'ɔ nɔile naxɔk'èedzòò aahlà hɔt'e.

¹² Naxɔts'ò ɔhɔt'è ekò, dɔ ekò-le hòèhtsɔ hani-le-ɔdè dɔ wets'ò ekò-le eghàlaeda ts'ihzò naxɔts'ò ɔhɔt'è nɔile. Hanikò Nòhtsɔ wenadaà dànɔ naxɔdzeè t'à goghɔniahtòò sɔ wek'èahsò ha dehwhò t'à, naxɔts'ò ɔhɔt'è hɔt'e.

¹³ Eyɔ hazòò wet'à sɔ godzeè t'à nàts'etsoò ats'ejà.

Eyɔ xè Titus sɔ wɔnà awèahlà wek'èts'eezò t'à, denahk'e goinà hɔt'e.

¹⁴ Wets'ò naxɔghò xàdahohdɔ ɔlè, eyɔts'ò naxɔghò ɔzhaehɔ-le asèahlà. T'asɔ hazòò naxɔts'ò hats'edɔ sɔ ehkw'ɔ zò hɔt'e, eyɔ xèht'eè Titus ts'ò naxɔghò xàdahots'edɔ sɔ eyɔ sɔ ehkw'ɔ hɔt'e wek'èhoedzòò ajà.

¹⁵ Dànɔ hazòò wek'èaht'e yenadɔ nɔdè denahk'e ededzeè t'à naxɔghòneètò hɔt'e. Dànaxèhdɔ ha sɔnɔ dahwhò t'à wets'èahɔ kò nezɔ wets'ò naahza ɔlè, eyɔts'ò t'asɔ hazòò t'à wek'èaht'e ɔlè.

¹⁶ T'asɔ hazòò ehkw'ɔ weghàlaahda ha hotɔ wek'èehsò t'à sɔnà hɔt'e.

8

Corinth got'ɔ Nòhtsɔ wets'ò dɔ gha sòmba nàgehtsɔ

¹ Sèot'ɔ, Macedonia nèk'e kòta gòlaa sɔ dànɔ Nòhtsɔ edecheekè gots'ò sɔnɔwòò sɔ wek'èahsò ha naxɔts'ɔhwhò.

² Sɔ gixè hoɔla ɔ kò sɔ sògɔwò, eyɔts'ò sɔ etegeèt'ɔ kò ededzeè t'à t'aats'òò t'asɔ dɔ ghàgele.

3 Ekw'wì anaxèehsɿ, t'asì t'à dɔ ts'àgedɿ ha dì-le sù t'à dɔ ts'àgɿdì, eyì wete ts'ò dɔ ts'àgɿdì. Ededɿ xàè hagɿwɔ t'à,

4 goxè Nòhtsɿ wets'ɔ dɔ ts'àgedɿ ha goghɔnàdageetì.

5 Hahcho ts'ò dɔ ts'àgedɿ ha ts'ɿwɔ-le ɿlè. T'akweɬò gots'ò K'àowo ghàdegɿla, eyì t'axò Nòhtsɿ winì k'èè goxɿ sɿ goghàdegɿla.

6 Titus ededɿ naxita dɔ gha sɔm̄ba nàhtsɿ yexèhòhwho ɿlè t'à, naxɿdzeè sɔnɿwɔ t'à dɔ ts'àahdɿ sù deghàà nàyehtsɿ ha wèts'edi hɔt'e.

7 T'asì hazò t'à deɔò neɔɿ eghàlaahda hɔt'e. Nòhtsɿ ghò naxìnì nàtsoo t'à, yatì t'à, t'asì k'èahsɔ t'à, dɔ ts'àahdɿ ghò hòt'ò aahwhɔ t'à, eyits'ɔ sù goghɔniahtɔ sɿ t'à. Hotù eyì xèht'eè naxɿdzeè sɔnɿwɔ t'à dɔ ts'àahdɿ sù eyì denahk'e neɔɿ aahle gha edeahdzà.

8 Eyì haahle ha dehsɿ-aehsɿ-le, hanìkò naxeèhdzà aht'ɿ. Dànì dɔ eyì-le Nòhtsɿ wets'ɔ dɔ ghònegeètɔ sù asɿ gɿxèht'eè hòt'ò gɿghɔniahtɔ gha naxeèhdzà aht'ɿ.

9 Gots'ò K'àowo Zezì-Krì gots'ò sɔnɿwɔ sù wek'èahsɔ hɔt'e. Ededɿ sù ahxe elɿ ɿlè hanìkò naxɿgha eteèt'ɿ adìidlà hɔt'e. Eteèt'ɿ adìidlà t'à naxìxè ahxe hòɔ agode ha.

10 Ayì naxɿgha denahk'e neɔɿ sù gha yatì naxɿghàehzà ha. ɿdì xok'e naxɿ t'akweɬò Nòhtsɿ wets'ɔ dɔ sɔm̄ba t'à gɿts'àahdɿ ɿlè, eyì zò nùle, naxɿ t'akweɬò hanì eghàlaahda ha ghò hòt'ò dahwhɔ ɿlè.

11 Eyì la dù weghò naah't'è ts'ò weghàlaahda. Hanì-ɿdè naxìnì neɔɿ k'èè dahwhɔ ɿlè sù

wexèht'eè deghàà weghàlaahdà. Eyit'à ayì dātłò naxıts'ò sù weghàà dọ ts'àahdı.

12 Godzeè t'à t'asì dọ ghàts'eɾà nıdè Nòhtsı wegha nezı họt'e. Ayì dātłò gots'ò weghàà t'asì dọ ghàts'eɾà ha gojhwhọ họt'e, t'asì gots'ò-le weghàà ats'et'ı ha gojhwhọ nùle.

13 Naxıgha t'asì while agode ha eyıts'ò dọ eyı-le gıxè t'asì lọ agode ha ts'ıwọ nùle, hanıkò hazọọ elèht'eè t'asì naxıts'ò ha ts'ıwọ.

14 Dii t'asì lọ naxıts'ò sù wet'à dọ t'asì gıts'ò-le ts'àahdı ha dıi-le. Hanı-ıdè ededı t'asì deɾọọ gıts'ò nıdè naxıts'àgedı agede ha. Hanı-ıdè hazọọ elèht'eè t'asì gots'ò ha.

15 Dii hanı dek'eèht'è k'èè: “Amı t'asì lọ nàwhehtsı sù sù deɾọọ t'asì lọ wets'ò-le, eyıts'ò amı t'asì lọ-lea nàwhehtsı sù sù t'asì wets'ò-le nùle,” dek'eèht'è.

Titus, kọta Corinth ts'ò adlà

16 Dànı naxıxè hòɾọ ha dehwhọ sù Nòhtsı Titus hanı nàniwoò ayıllà họt'e, eyit'à Nòhtsı ması weehwhọ.

17 Titus naxıts'ò wets'eèhɾàa sù hayele ha zọọ-le, ededı hanıwọ t'à naxıts'àtła ha sù wınà họt'e.

18 Nòhtsı cheekeè ıle wexè ats'ele ha. Eyı dọ godı nezı gha nezı eghàlądà t'à Nòhtsı wecheekeè hazọọ gıghọ sıghà agedı họt'e.

19 Eyı zọọ-le, sọmba dọ degai ts'ò ts'ewa gha goxè ade ha Nòhtsı wecheekeè eyı dọ gııhchı họt'e. Eyı sọmba gıghàts'ewa ha sù, wet'à Nòhtsı ghàsọhoedı eyıts'ò sù gıts'àts'edı ha ts'ıwọ sù gık'èezọ gha ats'et'ı.

²⁰ Eyɪ sòǒmba haàtlòq k'ets'eele sù weghò yatɪ lò ha ts'ɪwò-le.

²¹ Eyit'à ehkw'i weghàlats'eeda ha ts'ɪwò. Nòhtsɪ wenadaà zò-le hanikò dọ hazòò gɪnadaà ehkw'i k'ehots'eza ha ts'ɪwò họt'e.

²² Eyits'ò k'achɪ dọ ɪlè eyɪ dọ nàke gɪxè ats'ele ha. Ededɪ sù goxè eghàlaɪdà ɪlè t'à wɪnɪ nàtsoo xè dànɪ la ghò họtɪ sù wek'èts'eezò họt'e. Ehkw'i eghàlaahda ha naxɪhwhò t'à denahk'e goxè eghàlaeda ha nɪwò họt'e.

²³ Titus ededɪ sexè eghàlaeda họt'e, eyits'ò setl'axòò naxɪta eghàlaeda họt'e. Eyits'ò wexè dọ nàke sù Nòhtsɪ cheekeè hazòò gha k'ehogeza t'à Zezì-Krɪ weghàsòhoedi adlà họt'e.

²⁴ Eyit'à eyɪ dọ tai gɪghònahtòq sù gɪk'èezòò agɪahle, eyits'ò ayɪ ghò naxɪghò xàhots'edi sù wek'èè ehkw'i eghàlaahda. Hanì-ɪdè Nòhtsɪ wecheekeè hazòò gɪk'èezò ha.

9

¹ Nòhtsɪ wets'ò dọ dànɪ gɪts'àts'ɪdɪ sù weghò naxɪts'ò eehtl'è-le kò.

² Dọ degaɪ gɪts'àahdɪ ha hòtl'ò aahwhò họt'e wek'èehsò. Macedonia nèk'e Nòhtsɪ cheekeè nàgedèe sù naxɪghò gɪts'ò xàdahohdɪ ɪlè. ɪdɪ xok'e naxɪ Achaɪa nèk'e nàahdèe sù sòǒmba t'à dọ degaɪ ts'àahdɪ ha dahwhò họt'e gèehsɪ ɪlè. Naxɪnà hanì eghàlaahda t'à Macedonia got'ɪ ededɪ sɪ sòǒmba elègɪla.

³ K'ètɪ'ò naxɪghò xàdahohdɪ ha-le t'à dɪ dọ tai naxɪts'ò guhza họt'e. Hanì-ɪdè eyɪ sòǒmba nàwhahtsɪ sù ts'atà gɪtl'aahle ha, wheahla gèehsɪ ɪlè t'à.

4 Macedonia got'ù sexè naxıts'àgede ha sù gıgha sòmba ts'atà wheahla-le nıdè goxı naxıghò xadahots'edı ìlèè sù naxıghò ìzhats'ıııı ats'ede ha, eyıts'ò naxı sı edeghò ìzhaahııı aahde ha.

5 Eyı hagode ch'à eyı dọ tai gonakweè naxıts'àgede nıdè denahk'e nezı ha dehwhò. Naxıdzeè t'à sòmba dọ ghàahle ha dahdı ìlèè sù t'à naxıts'àgedı ha. Hanı-ıdè naxıdzeè t'à sòmba gıghàahle ha, eyıts'ò naxıni k'èch'a aahle ha-le.

Godzeè t'à t'ası dọ ghàts'e?à

6 Dıı hats'edıı hotıı wenaahdı: Amıı t'asıı dehshee ıò-lea dèè goyıı yeleè sıı t'asıı dehshee ıò-lea nàhtsı ha, hanıkò amıı wet'à t'asıı dehshee ıò dèè goyıı yeleè sıı t'asıı dehshee ıò nàhtsı ha.

7 Dọ ededzeè t'à dàtıò sòmba dọ ghàyele ha nıwòò sù k'èè dọ ghàyele ha họt'e. Edıni k'èch'a hanı-le-ıdè dọ hayèhđı t'à t'asıı dọ ghàıızà-le. Goinà xè t'asıı dọ ghàts'ele nıdè Nòhtsı wınà hots'ehtsı họt'e.

8 Nòhtsı sù t'asıı hazòò wet'à nezıı aahda ha de?òò naxıghàyele ha wegħa dıı nııle. Hanı-ıdè t'aats'òò t'asıı hazòò wet'à-aaht'ı ha sù naxıts'ò ha, eyıts'ò t'aats'òò wet'à nezıı dọ ts'aaħdı ha.

9 Dıı hanı dek'eèht'è k'èè:

"T'asıı nezıı dọ-teèt'ıı ghàıla họt'e. Eħkw'ı nàhohwhoo sù welò while ts'ò whe?ò ha," dek'eèht'è.

10 Nòhtsı ededı sù wet'à t'asıı dehshee dọ ghàyele họt'e, eyıts'ò lèt'è dọ ghàyele họt'e. Eyıt'à t'asıı hazòò wet'à ts'eedaa sù denahk'e naxıghàyele ha, eyı wet'à denahk'e eħkw'ı eghàlaahda anaxele ha.

11 Nòhtsɪ t'asì hazòò deʒòò naxìghàyele ha, hanì-
 ɲdè t'aats'òò naxìdzeè t'à dọ ts'àahdi ha dùi-le.
 Eyits'ọ goxì got'òò naxìdzeè t'à dọ ts'àahdi t'à dọ ọ
 Nòhtsɪ ts'ò masì gedi ha.

12 Eyì hanì eghàlaahdàa sù Nòhtsɪ wets'ọ dọ t'asì
 ɣt'à edaa zọ ɣìghàahle nùle, hanìkò eyì haahlà t'à
 dọ ọ masì ɣɹwọ xè deʒòò Nòhtsɪ ghàsogeedi họt'e.

13 Hanì dọ ts'àahdi t'à dọ naxìk'ègeezọ agèahlà
 họt'e. Zezì-Krì wegoduì nezɹ naxìgha ehkw'ì-ahoduì
 k'èè aahda t'à dọ Nòhtsɪ ghàsogeedi ha, eyits'ọ
 dànì naxìdzeè t'à t'asì dọ ghàahle, eyits'ọ dọ hazòò
 ɣts'àahdi t'à Nòhtsɪ ghàsogeedi ha họt'e.

14 Eyit'à naxìgha yagehti nùdè Nòhtsɪ naxits'ò
 deʒòò wesọnìwọ t'à hanì nezɹ eghàlaahda anaxìlà
 ghọ masì ɣɹwọ xè ededzeè t'à naxìgha yagehti ha
 họt'e.

15 Nòhtsɪ masì wets'ɹhwhọ ha họt'e! Ayì
 goghàɹzọ sù sù weghọ enìyah t'à wegħa yatì
 whìle họt'e!

10

Paul edek'edaedi

1 Dọ mọhdaa seghọ dù hagedì, “Paul gogà wheda
 nùdè ts'èwhìà gots'ò gode hanìkò gogà wheda-le
 nùdè yatì nàtsoo t'à gots'ò gode,” sègedì. Zezì-
 Krì dànì wedzeè nezɹ xè ts'èwhì anìwọ k'èè
 naxìghọnàdaehtì.

2 Naxits'àwhìhtlà nùdè dọ mọhdaa dù nèk'e dọ
 k'èè k'ehots'èza goghwhwhọ sù yatì nàtsoo t'à ɣts'ò
 gohde ha sọnì. Hanìkò hanì naxits'ò gohde ha-le
 għa naxìghọnàdaehtì.

3 Dù nèk'e dọ ɣita nàts'edè kò, ɣk'èè elets'egọ nùle.

4 Goxɪ wet'à elets'egɔɔ sɪ dɪ nɛk'e dɔ ɡɪt'à elegeɔɔ sɪ xɛht'eè nɪle. ɪle, ełɛht'eè nɪle! Nɔhtsɪ wets'ɔ wet'à elets'egɔɔ nàtsoò agohɪ sɪ wet'à wehɪ wenàowoò nàtsoo sɪ hazɔò wedihots'ehtsɪ hɔt'e.

5 Nɔhtsɪ k'èch'a xàyaetu hazɔò eyɪts'ɔ t'asɪ hazɔò Nɔhtsɪ ch'à agohɪ sɪ wedihots'ehtsɪ eyɪts'ɔ nànihowo hazɔò ts'ihchɪ ɡà Zezì-Krɪ k'èɪt'e ats'ehɪ hɔt'e.

6 Deghàà Nɔhtsɪ k'èaht'eè aahjà nɪdè naxɪta gots'ɔ dɔ mɔhdaa Nɔhtsɪ k'èch'a k'ehogezaa sɪ nàgeekwa agets'ele ha hɔt'e.

7 T'asɪ wègaat'ɪ sɪ zɔ ɡhàahda. Zezì-Krɪ wets'ɔ aht'e dɔ hotɪ hadeewɔ nɪdè goxɪ sɪ wexɛht'eè Zezì-Krɪ wets'ɔ ats'ɪt'e yedaàniwo welì.

8 Gots'ò K'àowo wedahxà nàahtsoòanaxets'ehɪ hɔt'e, nàahtso-leanaxets'ehɪ nɪle. Eyɪ ɡhɔ yaazea xàdahohdì gohde kò weghɔ ɪzhaehɪ nɪle.

9 Dɪ nɪht'è naxɪts'ò eeht'èè sɪ wet'à naxɪdzeè deɪ ha ahà nɪle.

10 Dɔ mɔhdaa hagedɪ, “Paul gots'ò eet'è nɪdè yatɪ nàtsoo t'à gots'ò gode, hanìkò goxè wheda nɪdè t'asɪ elɪ-le lanì wègaat'ɪ eyɪts'ɔ weyatɪ gogha t'asɪ nɪle,” ɡedɪ.

11 Eyɪ dɔ hagedɪ sɪ enɪht'è t'à dàts'edɪ sɪ wexɛht'eè ats'ɪt'e, ɡɪnɛdì welì. Naxɪta eghàlats'eeda nɪdè naxɪts'ò ts'ɪt'è k'èè k'ehots'eza ha.

12 Dɔ edeghɔ xàdahogedɪ sɪ ɡɪxɛts'ɪht'e ts'edɪ ha honàedɪ nɪle. Ededɪ edeghàà dɔ edegeetsɪ eyɪts'ɔ edenàowoò ɡhàà edesɪniyagehtɪ t'à gogɪzɔ-le hɔt'e.

13 Hanìkò goxɪ sɪ deɪɔò xàdahots'edì ha nɪle, Nɔhtsɪ la goghàɪɔɔ sɪ eyɪ zɔ ɡhɔ xàdahots'edì

ha họt'e. Nòhtsɪ la goghàɪʔɔ t'à naxɪ kò naxɪta eghàlats'eeda họt'e.

¹⁴ Edeghɔ deʔòò xàdahots'edi ha nùle. Naxɪts'ò ats'ejà-le nɪdè ekì gots'ede ha ɲlè, hanikò Zezì-Krɪ wegodi nezɪ xè naxɪts'ò ats'ejà ɲlè.

¹⁵ Eyɪts'ò dɔ eyù-le naxɪta eghàlagɪdà ghɔ xàdahots'edi nɪdè deʔòò ats'edi nùle. K'èdaà naxɪnì nàtsoò ade ha ts'ɲwɔ, hani-ɲdè naxɪta eghàlats'eada sɪ denahk'e nechà ade ha.

¹⁶ Hani-ɲdè dɔ eyù-le naxɪnèè ʔòɔ-ts'ò nàgedè sɪ godɪ nezɪ t'à gɪts'ò gots'ede ha dɪ-le. Eyù-le nèk'e Nòhtsɪ dahxà dɔ eghàlagɪdà sɪ goxɪ wek'e eghàlats'ɲdà lanì wet'à edeghɔ xàdahots'edi ha ts'ɲwɔ-le.

¹⁷ Hanikò, “Amì xàdahodì ha nɪwɔɔ sɪ Nòhtsɪ ghɔ xàdahodì welè,” dek'eèht'è.

¹⁸ Eyɪt'à amì edeghɔ xàdahodì sɪ dɔ nezɪ gha wɪtà nùle, hanikò amì Nòhtsɪ yeghɔ xàdahodì sɪ dɔ nezɪ gha wɪtà họt'e.

11

Paul eyɪts'ò dɔ xàè Zezì wecheekeèdeè agɪt'e-le

¹ Yaazea ezhɪne k'èè naxɪts'ò eeht'è sɔnì kò hotù seàhk'w'ò ha naxeewhɔ. Hòt'a seàhk'w'ò wek'èehsɔ.

² Nòhtsɪ wɪnì k'èè hotù naxɪxoehdì họt'e. T'eeko wetà dɔzhì ghàɲɲhtɪ lanì Zezì-Krɪ ghànaxèehtè ha dehwhɔ. T'eekogòò lanì weghànaxèehtè ha dehwhɔ.

³ Hanikò Eve gòochò yeghɔyaàʔɔ xèht'eè naxɪ sɪ naxɪghɔyaeʔà aweahle ha sɔnì dehwhɔ t'à naxɪghɔ

dehji. Naxıdzeè t'à Zezi-Krı ghàdeahı ıılèè sù eyı ch'à naxını ekq-le ayele ha sını.

4 Dq ıadı naxıts'ò nùtla gà Zezi eyı-le ghq hoghànaxeehtq nıdè naxıgha t'asanile. Yedàyeh Nezı naxıghòt'q sù wedeq ını eıadı naxıgha ehkw'ı-ahodı nıdè, hanı-le-ıdè godı nezı naxıghòt'q sù wedeq godı eıadı naxıgha ehkw'ı-ahodı nıdè, nàhotı-le gıyatı ààhchi hqt'e.

5 Eyı “Nòhtsı dezòq wecheekeèdeè” ats'ıt'e edegeewq sù gık'aı aht'e edeehwhq nıle.

6 Dq ts'q gohde gha nezı gohde aht'e-le kò, Nòhtsı ts'qòhk'e t'ası k'èehsq hqt'e. T'ası ıq hats'ıılà sù eyı ghàà nezı wek'èahsqòanaxets'ıılà hqt'e.

7 Naxıgha sıghà ha t'à k'èeweèt'ı k'èè adèhlà, eyıts'q t'ası k'èxa-le Nòhtsı wegodı nezı t'à naxıts'q gohde t'à hoıı hòwhıhtsı nı?

8 Nòhtsı wecheekeè kòta eyı-le nàgedèè sù sqòmba seghàgele t'à naxıgha eghàlaehda hqt'e. Eyıt'à gısqòmbaà gıghq dehı lanı.

9 Naxıta aeht'è ekò, t'ası segha whıle kò t'ası naxeekè t'à naxıgha hoezhı ahla whıle. Nòhtsı wets'q dq Macedonia nèk'e gots'q nègıdeè sù ayı segha whıle sù seghàgıla hqt'e. Sets'àahdı t'à naxıgha t'ası whıle ha dehwhq-le, ıılà naxıts'q hanı ehda ha dehwhq hqt'e.

10 Zezi-Krı wenàowoò ehkw'ı sedzeè yı whezq dahxà dı hanaxèehsı. Dq wıızı Achaıa nèk'e gots'q hanı edeghq xàdahodı ch'à asele ha nıle.

11 Dànıghq sets'àahdı ha naxeehwhq-le dahwhq sqnaà? Naxıghqneehtq-le t'à aht'e nıle. Dànı naxıghqneehtq sù Nòhtsı yek'èezq hqt'e!

12 Hanì eghàlaehdaa sì ìlǎà hanì eghàlaehda ha họt'e. Hanì-ìdè dọ edeghọ xàdahogedi eyits'ọ goxèht'eè eghàlageeda gedii k'ehogezaa sì haget'ị gha hòzọ-le ageh̄le ha.

13 Hanu dọ sì ehkw'1 dọ hoghàgogeehtọ nùle, eghoyageezàa-dọọ agụt'e, Zezi-Kr1 wecheekeèdèè edegeetsi họt'e.

14-15 Ey1 haget'ụ sì gogha eniyah nùle, wehụ ededị kò yak'eet'ụ degai edeetsi họt'e. Eyit'à dọ wehụ gha eghàlageedaa sì ededị s1 ehkw'1 eghàlageeda laget'ị. Nọọde nìdè dànì eghàlagụdà k'èè gighàhòt'à ha.

Paul, dànì Zezi gha daịzàa sì yeghọ xàdahodi

16 K'achị haehsi ha: Dọ wụzị gọzọ-le aht'e sụhwhọ welè sọọ. Hanì nàniàhdè nìdè dọ gọzọ-le gode lanì seàhkw'ọ, hanì-ìdè yaazea xàdahohdì ha dii-le.

17 Hanì edeghọ xàdahohdì gohdee sì dọ gọzọ-le laehsi họt'e. Gots'ọ K'àowo dànì gode ha sì k'èè gohde nùle.

18 Hanikò dọ ịọ dū nèk'e dọ k'èè edeghọ xàdahogedi gogede t'à, s1 s1 edeghọ xàdahohdì ha dii-le.

19 Sii goahsọ t'à dọ gogụzọ-le sì giahkw'ọ ha naxinà.

20 Dọ t'ahodụ naxits'ọ k'ahogedè, hanì-le-ìdè naxighọ egeezụ, naxit'à edegha sìghà hogehtsi, eyits'ọ naxinahk'e dọ nechàa edegeetsi, tsinaxegeekà kò, hanì naxits'ọ eghàlageeda kò naxigha t'asanile.

21 Gox1 hanì k'ehots'eza gha nàts'etso-le dehsu sì weghọ ìzhat's'ụlụ ha nì?

Dọ gọọzọ-le laehsị kò, dọ ayị ghọ xàdahogedị sị sị sị eyị xèht'e è haehsị ha dī-le họt'e.

²² Hebrew got'ị agụt'e ghọ xàdahogedị nịdè sị sị Hebrew got'ị aht'e. Israel got'ị agụt'e nì? Sị sị Israel got'ị aht'e. Abraham wets'ihzòq-dòq agụt'e nì? Sị sị Abraham wets'ihzòq-dòq aht'e họt'e.

²³ Zezi-Krị wecheekè agụt'e nì? Sị gınahk'e wecheekèdè aht'e. (Sị ezhıne k'èè gohde laehsı.) Gınahk'e hòt'ò eghàlaidà, gınahk'e dọ-daniılaa-kò ihdà, gınahk'e nàsegıhkwa, eyits'ọ gınahk'e gọıtọq elaiwho-t'e.

²⁴ Israel got'ị sılàı-ehť'aà taenq-daats'ò-ıoqto nàsegıhkwa họt'e.

²⁵ Taà-ehť'aà dechı t'à sekwòoyaa-segıllà, ıllà kwe t'à segıhdè ıle, taà-ehť'aà nıhts'ı nàtso t'à sexè elàcho wetaitò, ıle toò eyits'ọ ıle dzeq gots'ò tideè k'e daehle ıle.

²⁶ T'aats'òq t'ası sek'eèhoowo. Deh nàtso t'à sexè hoejı k'ehokw'o, doju ch'à sexè hoejı k'ehokw'o, xàè sèot'ı sı ch'à sexè hoejı k'ehokw'o, dọ ıadı ch'à sexè hoejı k'ehokw'o, kògodeè nı sexè hoejı k'ehokw'o, whatsòq gòzòq nı sexè hoejı k'ehokw'o, tideè k'e sexè hoejı k'ehokw'o, eyits'ọ dọ gòet'ı edegeetsı t'à sexè hoejı k'ehokw'o.

²⁷ T'aats'òq hòt'ò eghàlaehda xè gọıtọq ihtè-le. Bò dè xè ti dè aehť'e, eyits'ọ goht'ọ dè aehť'è xè segħa edza ıle.

²⁸ Eyı hazòq wedè, dze taat'e è Nòhtsı wecheekè kòta yàgòlaa nı nàgedè sị gıghọ hòt'ò naniwho họt'e.

²⁹ Dọ nàtso-le nịdè sị sị wexè nàhtso-le họt'e. Dọ hoıı hòehtsı adlā nịdè sị segħa hoıla họt'e.

³⁰ Edeghọ xàdahohđı gohde ha nịdè ayı wet'à

nàhtso-le sù eyi ghọ xàdahohdì ha họt'e.

³¹ Nòhtsɪ, gots'ò K'àowo Zezì Wetà, welọ while ts'ò weghàsọts'eedu sù hohts'ì gohde nùle yek'èezọ họt'e.

³² Kògodeè Damaskus whihda ekò, k'àowo ɪè, k'àowocho Aretas gha k'àowo elɪ sù, dasegeechi ha nɪwọ t'à kògodeè hazọọ hoguhdì agòòlà ɪè.

³³ Hanìkò dọ mọhdaa sets'agudì t'à t'òhtọ nechàa yì segiachì gà kòta edzak'è gots'ọ hodàsegeèlì. Hanì wech'à kwìèhsa t'à dasegiachì-le.

12

Paul nàtso-le kò wenazhu enìyah k'ehokw'o

¹ Wet'àazà nùle wek'èehsọ kò edeghọ xàdahohdì ha t'ùt'e. Gots'ò K'àowo wedahxà senazhu xègoèht'ì eyits'ọ ayì k'èehsọọ asìlàa sù, weghọ gohde ha.

² Hoònọ-daats'ò-dì xo ekò Zezì wecheekeè ɪè yak'e denahk'e dagọwà ts'ò newiitɪ ɪè. Eyì dọ edezhì yì wheda, edezhì yì wheda-le, wek'èehsọ-le, Nòhtsɪ zọ yek'èezọ họt'e.

³⁻⁴ Eyì dọ Hoizɪ-Nèk'e ts'ò newiitɪ ɪè wek'èehsọ. Eyì dọ edezhì yì whedaa, edezhì yì wheda-le, wek'èehsọ-le, Nòhtsɪ zọ yek'èezọ họt'e. T'asì sù enìyah t'à dọ wɪzì yeghọ gode ha dui sù yeèkw'ọ ɪè. Eyì sù dọ yeghọ gode ha wegħa wets'æt'ọ ɪè.

⁵ Eyì dọ wexè hagòjàa sù weghọ xàdahohdì ha họt'e, hanìkò edeghọ xàdahohdì ha-le. Ayì t'à nàhtso-le sù eyi zọ weghọ xàdahohdì ha.

⁶ Edeghọ xàdahohdì gohde ha dehwhọ nùdè, ehkw'ì gohde t'à ezhìne k'èè sutà ha-le. Hanìkò dezọọ t'asì deè aht'e seguhwhọ ha-le t'à edeghọ

xàdahohdì ha-le. Dànì eghàlaehda eyìts'ò ayìlì dàehsì k'èè zò dọ wet'àa?àa k'èè sùtà ha dehwhò.

⁷ Eyì t'asì enìyah deè hazòò weehzì t'à xàdahohdì ch'à ịchìghoò lanu sekwò ghazàa asìdlà họt'e. Eyì sù wehì wecheekeè sek'alawoò at'ì họt'e.

⁸ Taà-eh't'aa gots'ò K'òowo seghò yìhchì wèehsì weghònàdaehtì ìlè.

⁹ Hanìkò sets'ò hadì, “Nets'ò sọdehwhò sù eyì negha hòt'a họt'e. Dọ nàgetso-le nìdè, gídzeè yì denahk'e enìyah eghàlaehda họt'e,” sèhdi. Eyìt'à ayìlì t'à nàhtso-le sù weghò sìnà xè weghò denahk'e xàdahohdì ha. Hanì-ìdè Zezì-Krì wedahxà nàhtsoò asedle ha họt'e.

¹⁰ Eyìt'à Zezì-Krì wets'ìh?ò nàhtso-le nìdè, dọ sek'adageedè nìdè, segha nàhotì nìdè, dọ dasegìh?a nìdè, sexè hoìla k'ehokw'o nìdè sìnà họt'e. Nàhtso-le nìdè họdaats'ò nàhtso họt'e.

Paul, Corinth got'ì goghò nàntwo

¹¹ Ezhìne edèwhìhtsì hanìkò naxì asèahlà họt'e. T'asì aht'e-le sòm kò seghò nezì goahde ha ìlè. Eyì “Nòhtsì de?òò wecheekeèdeè,” gìahdì sù gìk'a?ì aht'e nìlè.

¹² Dọ enìyah hazòò xà?aa hohtsì sù eyì weghàa Zezì wecheekeèdeè eì wek'èhoedzò họt'e. Naxìxè aèht'è ekò sìn nàtso xè naxìta enìyah ì? hòwhìhtsì ìlè.

¹³ Nòhtsì wecheekeè kòta eyì-le ta nàgedèe sù gìk'a?ì aah't'e naxèehwhò dahwhò nì? Nòhtsì wecheekeè eyì-le sets'àgedì agèhlà kò naxì hanaxèhlà whìle; eyì gha seghò nahoah!è!

¹⁴ Nàakeè naxìts'àwhìhtlà ìlè, dì k'achì naxìts'àhtlà ha, hanìkò t'asì t'à sets'àahdì ha

naxeehwhò-le, t'asì naxìts'ò sù weehwhò-le t'à, hanìkò naxì naxeehwhò họt'e. Chekoa sù edèot'ì gha t'asì k'ègedì nùile wek'èts'eezò, gìot'ì sù edeza gha t'asì k'ègedì họt'e.

15 Eyit'à t'asì hazòò sets'ò sù naxìts'ò wek'ehoehwhì gha sinà, eyìts'ò naxìghàdèehtè gha sinà họt'e. Denahk'e naxìghòneehtò nùdè dek'azì seghòniahtò ha nì?

16 T'asanìle, naxeehkè t'à naxìgha hoezhì ahlà-le. Hanìkò ts'àhohtsì t'à naxìghòyaàzò seahwhò nì?

17 Dò naxìts'ò gùhàà ekò, sedahxà t'asì naxìghò gùhchì nòò?

18 Titus naxìts'atlà ha naxìts'ò wùhàà jè, eyìts'ò gòet'ì jè wexè ahlà jè. Titus sòòmba gha naxìk'adaawo-le jè. Eyit'à elèht'eè k'ehodùza xè elèht'eè nànediwo họt'e.

19 Dú hajúwa gots'ò edek'edats'eedù ats'edì dah-whò jè nì? Zezì-Krì wexè ats'ùt'e k'èè Nòhtsì we-nadaà edeghò gots'ede họt'e. Goàgìà, t'asì hazòò hats'ehzù sù wet'à naxìni nàtsòò ade gha ats'et'ì họt'e.

20 Naxìts'àwhìhtlà nùdè sìnì k'èè aaht'e ha-le sòni, eyìts'ò sì sì naxìni k'èè aht'e ha-le sòni, eyì weghò nànhwhò họt'e. Ełek'èch'a aahdì ha sòni, ełeghò ts'oxoahdì ha sòni, naxìk'èch'a t'à naxìni nàitlò ha sòni, ełek'èch'a aahda ha sòni, ełeghò goahde ha sòni, xàhoahdì ha sòni, eyìts'ò naxìxè hojzì hòzò ha-le sòni, eyì hazòò ghò hòt'ò nànhwhò họt'e.

21 K'achì naxìts'àhtlà nùdè, Senòhtsì naxìghò jìzhaehhì asele ha sòni. Naxìta dò lò jnèè gots'ò hòhù hogèhtsù sù gìghò sedzeè nàniitì ha sòni. Hòhù nàowoò k'èè ełek'alagedèè sù weghò edek'egùlì-le

sɔnɪ dehwhɔ t'à, gɪghɔ hòt'l'ò nànihwɔ.

13

Paul, nɔɔde xàyaɣhti

¹ Dii taà-eh't'aa naxits'àhtlaà ade ha hɔt'e. Dii hanì dek'eèht'l'è, “Dɔ nàke hanì-le-ɪdè dɔ tai gɪdaà agòjàa sɪ elèht'eè dɔ ghɔ xàyaɣhti nɪdè gɪgodii ità ha hɔt'e,” dek'eèht'l'è.

² Nàekeè t'à naxits'àwhihtla ekò nadaɣa yatɪ nàtsoo naxɪghàehzɔ ɪlè. Dii set'l'axɔɔ k'achɪ hanaxèehsɪ ha. K'achɪ naxits'àwhihtla nɪdè ɪdii dɔ hoɣɪ hogèhtsɪ sɪ eyits'ɔ dɔ eyɪ-le hazɔɔ eladɪ agejà-le nɪdè ts'èwhɪ gɪghàhoehzà ha nɪle,

³ ayɪ ghàa Zezì-Krɪ set'à gode sèahdɪ daseahke t'à. Zezì nàtso-le k'èè naxita eghàlaeda nɪle, hanikò naxita enɪyah t'à nàtso hɔt'e.

⁴ Nàtso-le k'èè dechɪet'aa k'e wediɪtsò t'ɪt'e, hanikò dii Nòhtsɪ dahxà nàtso eda hɔt'e. Eyɪ lanì goxɪ sɪ wexè nàts'etso-le lats'ɪt'e, hanikò Nòhtsɪ dahxà naxɪgha eghàlats'eeda gha nàts'etsoò ts'eeda hɔt'e.

⁵ Asɪ naxɪgha ehkw'ɪ-ahodɪ k'èè aahda gha ededaàniahdè. Zezì-Krɪ naxɪdzeè yɪ nàdè hɔt'e wek'èahsɔ-le nì? Naxɪgha ehkw'ɪ-ahodɪ k'èè aahda-le wek'èahsɔ nɪdè Zezì naxɪdzeè yɪ eda-le wek'èahsɔ ha hɔt'e.

⁶ Goxɪ gogha ehkw'ɪ-ahodɪ k'èè ts'eeda wek'èahsɔ weli dehwhɔ hɔt'e.

⁷ Eyits'ɔ ekɔ-le eghàlaahda ch'à naxɪgha Nòhtsɪ ts'ò yats'ehti. Goxɪ nezɪ gògaat'ɪ gha ats'et'ɪ nɪle, hanikò ehkw'ɪ eghàlaahda gha ats'et'ɪ hɔt'e, golaà ghàlats'ɪdà-le dɔ hagogɪhwɔ kò.

⁸ Nàowo ehkw'ıı sıı wek'èch'a eghàlats'eeda ha dıı hq̄t'e, hanikò nàowo ehkw'ıı wegħa zq̄ eghàlats'eeda hq̄t'e.

⁹ Goxı nàts'etso-le t'à naxı nàahtso nı̀dè goınà hq̄t'e, eyıts'q̄ degħàà degai aahde hā naxıgha yats'ehtı hq̄t'e.

¹⁰ Eyıt'ā naxıta whıhda-le nı̀dè hanı naxıts'q̄ eehtı'è hq̄t'e. Hanı-ı̀dè naxıts'āwhıhtıa nı̀dè Nq̄htsı wedahxà hoıla naxıts'q̄ xàyahtı ha-le. Naxıni nàtsoò ahle għa Nq̄htsı seghàhòı̄zq̄ hq̄t'e, naxıdıhołè għa niile.

Naxıxè sıghà welè, Paul gòhđı

¹¹ Sèot'ıı, nq̄de t'à dıı hanaxèehsı ha: naxıxè sıghà welè, degħàà degai aahde għa hòt'ò eghàlaahda, ayı dānaxèehsıı sıı seyatı ààhchı, naxıni ı̀lè zq̄ welè, ts'èwhıı ełexè aahda. Hanı-ı̀dè Nq̄htsı goghq̄neètq̄, wexè ts'èwhıı hòzq̄ sıı naxıxè wehòzq̄ ha.

¹² Nàowo degai k'èè ełeahts'ı̄ xè, “Nexè sıghà welè,” ełèahđı.

¹³ Nq̄htsı wets'q̄ dq̄ hazq̄, “Naxıxè sıghà welè,” naxègedı.

¹⁴ Gots'q̄ K'àowo Zezi-Krı naxıxè sq̄ıwq̄ welè, Nq̄htsı naxıghq̄neètq̄ welè, eyıts'q̄ Yedayeh Nezıı wenàowoò naxıxè welè.

Nòhtsı Nıhtl'è
Dogrib: Dogrib Genesis & New Testament New
Testament & Portions of Old Testament

copyright © 2009 Canadian Bible Society

Language: Dogrib

Translation by: Canadian Bible Society

Tłchq Genesis and New Testament
About Tłchq

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

About This Translation

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

Copyright Information

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written

permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022

dccb8cb-87c9-5afe-9ac6-f62c4ade3a81